

գերակատար իմաստութեանն, չափել մասամբ զբոլորն:

Ձր է- ի յայս հաւատացեալ մկրտիմք, եւ ակնունիմք Հոգւոյն կենդանութեան եւ մերոյին փրկութեան՝ ըստ անսուտ խոստման Տեառն, թէ «որ հաւատայ եւ մկրտի՝ կեցցէ:» Գարձեալ ի կարգ անդր ի վեր ելանելով ասեմք թէ, «ով ունիմք մեք հաւատ եւ Մկրտութիւն, +արողն այնոքիկ նախասացեալք ոչ պարտին աշխատ լինիլ առ մեզ այլ առաւել առ այնսոսիկ որք ոչ կարգան զանուն Տեառն մերոյ Յիսուսի Քրիստոսի, եւ ոչ խոստովանին զնա Աստուած, եւ ոչ շնորհէն-ի-ն նորա անուան, եւ ոչ ունին գրիստոսական կնիքն յանձինս իւրեանց, եւ ոչ ճանաչեն զխորհուրդս Եկեղեցւոյ, եւ ոչ ընդունին զԱստուածաշունչ գիրս, հին եւ նոր կտակարանս, եւ ոչ գիտեն զանուն Առաքելոց, եւ Մարգարեից եւ Վարդապետաց, եւ ծիծաղին ի վերայ անհաս խորհրդոց քրիստոնէիցս, եւ զառանցանս վարկանեն զպաշտելի դաւանութիւնս քրիստոնէից որ յամենասուրբ Երրորդութիւնն, եւ ի տնօրէնութիւնն միածնի որդւոյն, ի սուրբ կոյս Մարիամ Աստուածածինն եւ ի պարծանս քրիստոնէից, ի կենսակիր եւ ամենազօր սուրբ խաչն, եւ զպատկերս տէրունականս եւ ամենայն սրբոց՝ հոգւոյն համարին, աւաղելով զքրիստոնեայս իբրեւ զմոլորեալս: Նոքա զայս ամենայն տեսանելով եւ լսելով ոչինչ համարին, եւ ոչ ցաւ է նոցա, այլ անփոյթ առնելով զնոցանէ՝ զմեօք շջապատեալ պաշարեն արկունելով ի մէջ քրիստոնէիցս աղմուկ խռովութեան, եւ փոխանակ շինութեան եւ հաստատութեան արկանեն յոլով գաղթակղութիւնս, ասելով միշտ յականջս անկատարից եւ անարդարացիաց՝ թէ ոչ է պատարագ ձեր պատարագ, եւ ոչ Մկրտութիւնն մկրտութիւն. նոյնպէս խոստովանութիւնն եւ ապաշխարութիւնն, եւ այլ խորհուրդք յորոց